

「咸淳」

臨安志

十六

咸淳臨安志卷之三十六

山川十五

溪

城外

西溪

在武林山之西

題詠

郭祥正詩西溪在湖外一路濯
殘陽遊子託漁艇却愁歸路長

九溪

在赤山烟霞嶺西南通徐村出大江北達龍井

安溪

咸淳臨安志卷之三十六

在錢塘縣去北關五十里溪上大遮山有龍王祠

舟人相傳風雨之夕龍吐珠有光

凌溪

在錢塘縣長壽鄉

奉口溪

在錢塘縣安溪之北十八里

餘杭縣

茗溪

祥符志云闊七十六步

居民填塞今

秋冬深五尺

春夏深九尺山海經云天目山一名浮玉山高遠



閱深茗溪出焉在於潛臨安兩縣界東流百五十里經本縣又東流二十七里而至錢塘界又東流六十二里二百步入安吉州德清縣耆老傳云夾岸多茗花每秋風飄散水上如飛雪然因名又輿地志云自縣之西名冷溪蓋取清冷之意乘舟至此輕若凌虛唐天授三年勅錢塘於潛餘杭臨安四縣租稅綱運徑取道于此公私便之每春日風生輒水長數寸土人號為尹公潮俗傳尹公有異術能叱水成潮

東溪

咸淳臨安志卷三十一

二

祥符志云在縣東二十一里十三步闊二十步深四尺其源出縣東南青障山東北流入錢塘縣界又自北由孝女鄉流入安吉州德清縣以溪在縣之東故名東溪一名停辭溪

仇溪

祥符志云在縣東北二十一里闊二十步深五尺有二源一出臨安高陸山東流八十六里至仇山之北一出本縣獨松嶺東流八十里一百步至仇山合流而東行十二里一百步又合茗溪行三十六里二百步入安吉州德清縣以二水合流處有

仇山即嚴山也故名

臨安縣

南溪

在縣西三里闊四十丈發源于於潛縣天目山東入本縣界四十五里至縣郭東南二里五十步又東二十八里入餘杭界凡經過縣界者七十三里溪多灘磧遇水漲可勝二十斛舟

猷溪

在縣北二十六里闊一十步深一尺水源出高陸鄉東入餘杭縣界二十六里

咸淳臨安志卷三十六

三

石鏡溪一名錦溪

晏元獻輿地志云在縣東南一里

題詠東坡錦溪詩楚人休笑沐猴冠越俗徒誇翁

金華王竹寮執禮錦溪次趙令韻二首微雲淡日半昏明初換春衫步履輕行到小橋幽絕處
詩句答溪聲困人天氣近清明花信風來拂面輕屏却鳴騶成獨往綠楊陰裏聽鶯聲

馬溪

在縣東北六里

於潛縣

浮溪

在縣西二里闊五十二丈深五尺源自天目山至

縣郭七十里下入桐廬縣溉田五十三頃二十五畝父老相傳大曆中俱眡道者過此適溪流泛溢以淨巾浮渡故曰浮溪

紫溪

在縣南三十里闊四十五丈深七尺源出天目龍湫通昌化柳源兩溪合流入分水縣界溉田四十三頃五十畝古記云晉高僧佛圖澄就溪浣滌有三項浮其上因以名唐正元十八年縣令杜泳開三十餘里深五尺闊二丈始通舟楫溪下有燕尾灘最為險惡操舟者病焉 紹熙間前令邵文炳鑿去銛利之石其害遂息又有響石在溪之南相去里餘屹立湍流之側有聲清越

藻溪

在縣東二十里

虞溪

在縣北一十五里有虞將軍祠

零口溪

在縣北五里

豐陵溪

在縣北十里

富陽縣

步溪

在縣西三十里闊五丈發源於貝山湖南入浙江湖汊水

在縣西南九十里闊五十步東入錢塘江界地里志云湖汊水中有蜮含沙射人每遇夏秋人不敢渡

步橋水

在縣西三十里源出貝山湖南大小源入大江私水

在縣一百六十里源出天目山

凌皓村水

在春明里凌皓村口有水源可溉田

安吳川

在縣東一十里東入錢塘縣界舊志云吳之平陽也

龜川

在江口對境有山曰紫微

新城縣

葛菡溪

在縣西七里折桂鄉葛仙翁於此煉丹有井

題詠許廣淵詩穉川仙化後溪以葛為名水激翻

月滿寒光入魚龍患大明

松溪

在縣北五里東鄉至行者橋與葛溪合流入江

余溪

在縣西二十五里廣陵鄉源出分水縣至巖殿石與

大溪合流

西溪

在縣西七十里南新鄉源出漁洲山底與於潛天

咸淳臨安志卷三十六

六

目水通流入南新鄉界

金源溪

在縣西五十五里南新鄉源出迴源池與漁洲水

合

盤石溪

在縣西五十一里新安鄉源出靈門至南新鎮南

一里三百步與漁洲靈池水合流入縣

湘溪

在縣西三十里廣陵鄉源出新婦洞至張澗與大

溪水合

昌化縣

虞溪

在縣東一里又云瀟溪在縣東一里自此綿亘三十里凡涉數村曰楊村曰盛村曰楓廟平曰黃蘗皆在此溪上下流間爾雅陵夾水曰瀟

紫溪

詳具於潛縣

晚溪

在縣西九里

遽溪

咸淳臨安志卷三十六

七

在縣西十五里其源絕深處山皆壁立水流巨石中湍激可畏舊傳陳霸二仙曾隱此每垂釣石上今枕臂坐迹皆存溪中有鷓鴣塞雙眉潭潭上石壁有雙眉痕人莫知所始

董溪

在縣西二十五里

歷溪

在縣西一十五里又云在縣

頰口溪

在縣西五十里

無他溪

在縣西三十五里

上溪

在縣西北八十里

楊溪

在縣西北八十里

平渡溪

在縣南七里

下阮溪

在縣南一十五里

伽溪

在縣南二十里

上博溪

在縣南二十八里

檀溪

在縣西南三十里

沈溪

在縣西南五十里

蒲溪

在縣南六十里

社丁溪

在縣西南三十里

雙溪

在縣前一百步

潭

城內外

黑龍潭

在寶月山寶月寺之西莫測淺深亢旱不竭一日
天井山下有天井巷晴則潭水碧色可愛將雨則
湛黑郡人以此候晴雨多驗

咸淳臨安志卷三十六

九

祝文

白文公祭黑龍潭文黑龍惟龍其色元其位
坎其神壬癸與水通靈昨日歷禱四方寂然

無應今故虔誠潔意改命於黑龍無水欲何依
神無靈將恐歇澤能救物我實有望於龍物不自
是龍之靈亦人之幸禮無不報神其聽之

白龍潭

在仁和縣臨平鎮東湖舊有龍王廟 紹興十四
年四月水衝壞塘岸版築不就禱於潭重立廟乃
成

漁浦潭

晏公輿地志在郡西南

龍游潭

在仁和縣肇元鄉臯亭山時有蜿蜒出沒其間鄉人稱爲水甕亢旱禱必雨

鉢盂潭

在南高峯

詳見祠廟門

又仁和縣太平鄉石塘之東亦

有潭曰鉢盂

玉兒潭

晏公志云在郡西五十里

浣沙潭

在仁和縣臨江鄉

羊缺潭

在仁和縣艮山門外臨江鄉

西湖三潭

土人相傳云在湖中

臨安縣

玉兒潭

晏公輿地志在縣西五十里

浣沙潭

晏公輿地志在縣西五十里

龍潭

在高陸鄉猷溪中環以巖石既深且清有石如屋

覆其上俗號渴澤龍王

於潛縣

上潭

在天目山東垂崖之下崖高五十仞其水紺碧流
奔中潭登者畏之但可據石援藤一瞰而已

中潭

次於垂崖之下三十餘仞其水湛湛流入下潭噴
響如雷湍濺巖壁

下潭

又在其次周回二十丈泓澄泛灑莫窮其底 朝

咸淳臨安志卷三十一

二

廷遣使投龍璧悉捐於此

銘文尉安鼎作三潭銘并序云天目三潭神物沕

躬求斯信乃為之銘辭曰二氣委形卑高奠址子

育萬眾名戶弗以凝寃融液神宅龍淵典司下土

佐理混然巨鎮駢峙承天兩目降觀沴災電掃雲

撲有洌潏關派山之幽飛瀑三瀦卷綠搖秋陽驕

陰潛邦人麋祝我挹其波用成百穀於顯杓惠麗

澤鵬冥昭以信辭永肅巖局鼎以穀紹興乙亥秋

七月被縣牒致禱還未至而雨是歲冬

末奉郊祀赦來登遂銘之以昭靈貺

乳水潭

廣一丈與下潭相去數百步味甘色白可瀹茗或

三潭水湧則混而為一平則乳色自分

柯相公潭

見浪山

靈芝潭

在雙溪亭東

收山潭

在縣南四十五里

岸嶠潭

在岸嶠山潭有石如磨下有三趾號羅磨見于水

面

富陽縣

鉢盂潭

咸淳臨安志卷三十一

十二

在慶善村龍門山有瀑布注為潭

梅梁潭

在縣東田疇間水與潮消長旁有山唐咸通中會

稽建禹廟嘗伐梅木為梁一夕風雨晦冥梁忽不

見後數日風雨又作梁復在焉視之赤萍滿腹遂

謂此梁為梅潭之龍因以銅索纜之 嘉泰中禱

雨應

鹽官縣

白龍潭

在十一都運河側

紹興間建龍王廟

昌化縣

柯相公潭

在縣東南十五里大溪上曰小柳下曰大柳中有大石盤固水勢湍激潭在其下相傳柯相公乘舟溺于此遇澄霽所覆舟可見陰晦則聞水上樂聲

羊頭潭

在縣西北七十里地名都亭源石壁對峙舊名龍門瀑布百尺界于門中下注深潭有龍宅焉潭底有石形如羊頭兩角嶄然傍有五石杯類祭奠所設或陰晦龍出游其聲如鐘鼓歲旱以罌缶禱取其水有鱗屬入之必雨

咸淳臨安志卷三十六

十三

浴仙潭

在縣東南三十里攬村何仙姑浴處溪水澄瑩而香

澗

城外

合澗

在靈隱天竺之間

十八澗

在龍井山之西步司左軍寨後路通六和塔

石門澗

陸羽靈隱寺記舊有卧龍石橫澗中

題詠

郭正詩云啓閉何人見湍流一澗分仙家無路入空鎖石樓雲

金沙澗

在靈隱寺側自合澗橋繞靈隱山一帶唐家衝石橋左軍寨門內至行春橋折入步司前軍寨門由麴院流入湖

惠因澗

在赤山惠因寺側秦少游龍井題名記云並湖而行出雷峯度南屏濯足于惠因澗

咸淳臨安志卷三十六

十四

呼猿澗

詳具呼猿洞

洲浦

城內外

柳浦

在鳳凰山下隋置郡處晉吳喜嘗進軍此地今無可考

鐵幢浦

在今便門側土人相傳云吳越王射潮箭所止處嘗立鐵幢因以名之又有聞諸錢氏子孫者謂錢

王築塘時高下置鐵幢凡三以為水則此其一也
淳祐戊申趙安撫與篋買民地置亭其上

題詠王荆公詩憶昨初為海上行日斜來徃看潮生如今身是西歸客迴首山川覺有情

靈隱浦

詳具靈隱山顧夷吾山川記云靈隱山自南徂東
臨浙江一派謂之靈隱浦今資國院前是也亦云

靈隱步頭

題詠郭祥正詩云有靈何所隱深浦老兼葭漁父一舟泊却疑秋漢槎

白石浦

在仁和縣臨江鄉

咸淳臨安志卷三十六

鮮船渡浦

湯村浦

並在仁和縣臨江鄉

富陽縣洲附

菟浦

在縣西一里闊六十步東入浙江一名關浦俗謂
關為菟

東梓浦

在縣西南五十一里東入浙江舊名青草浦宋將
軍孫瑤葬于此墳上梓木枝皆東靡故以名

楊橫自己浦

在春明里地名黃浦橋

蛇浦

在普惠寺前有溪入江相傳昔有巨蛇由此而出其地遂曲爲浦蛇渡江而南沿山而下其徑尚存世稱爲蛇路灣有祠在慶護村剡浦今蛇浦人號爲龍溪

孫洲

在縣西南四十二里周二十三里太平寰宇記載吳錄云浙江經富陽中有沙漲吳烈帝爲郡吏趨府鄉人餞之於沙上父老曰此沙狹而長君當爲長沙太守後果如其言遂名曰孫洲又吳興地理志西南八十里有長洲孫氏數百家居之因以名

王洲

在縣南五十里周回五百步王姓居之其地宜橘今楊漲是也唐地理志云有橘以供貢

桐洲

桐江水東注過孝子許或故廬

新城縣

深浦

在縣南二十五里昌西鄉乘潮來往增減漑田五十頃

鹽官縣

百尺浦

在縣西四十里輿地志云越王起百尺樓於浦上望海因以為名今廢

咸淳臨安志卷之三十一

咸淳臨安志卷之三十七

山川十六

井

城內外

吳山井

在吳山之北錢氏時有韶國師者始開此井品其水味為錢唐第一蓋山脉融液獨源所鍾不雜江湖之味故泓深瑩潔異於眾泉 淳祐丁未大旱城中諸井皆涸獨此日下萬綆如常時都人神之趙安撫與憲奏立祠以旌異焉又為亭覆井上

題詠

樓參政鑰詩寒泉龍王堂道流王德正屢求吳山井記而臨安圖經所載甚畧無可考證

咸淳臨安志卷之三十七

賦長句以遺之錢唐東南一都會西湖宛在高城外鑿為六井引入城唐相鄴侯功尚在吳山橫亘城中中央左右江湖盡襟帶寒泉迸溢清且甘發自靈源匪分派天目兩乳龍鳳來秀氣所鍾此其最海頻斥鹵潤作鹹安得一泉獨滂沛 聖朝駐蹕勢日隆民聚五方真眾大旱歲不乾潦不溢環甃老砂期勿壞抱甕輓轆萬夫汲飛泉仰流筒似快取之不盡用不竭數里赤肩競分賣人言神龍宅其下濟物陰功不勝載川澤固多資灌溉此井尤能濟闡闡 皇家德澤如此泉福祚與之俱不改得是詩魁行簡跋大叅以詩代記吳山井井之惠利謂後世官民既分凡利之在民者以官治之非徒無益祗有害且捍江有卒開湖有司浚治河渠亦一有職利孰為興害孰為去徒蠹財蝕廩而已他時井旁龍祠道家者流因利為利而不言利公功為功而不言功德正勉之室罅平圯鍾羨屏惡民不

擾而惠以遷繼正者益勉之官毋奪其職度乎井之利其永存詩載樓氏家集王德正能求記而不能刊詩以傳亦一欠事也

天井

在天井巷舊記寶月山上有天井後廢 嘉泰二

年火因掘土得甃砌處有石版刻云會同五年重

修遂作亭其上 又真際院亦有

記文 天井中林御史采記云臨安今為天府有坊以

井從古而然望寶月山黑龍潭不遠最承天雨異

於諸井故以天井名之按臨安志大井自相國而

下有六十井自吳山而下三十有一初無天井之名獨於黑龍潭有云寶月山一名天井山下有天

井巷天暗則潭水碧色可愛遇有雨先一日變黑然此所謂黑龍潭也非天井也相傳皆謂極太守

咸淳臨安志卷三十七

二

張公杓之力經年物色莫知天井所嚮遂附會其說於黑龍潭之下然此說非特張公杓為然太守

周公淙嘗為序引則自乾道丁亥之為是志也已不知有是井矣嘗考其地自清河坊以西有街

直南實天井坊也有井深廣湮沒既久人皆能言之但民居匝無所尋訪而急中所載獨此見遺

遂不復問往往一方食用多是湖水間有穿成小井僅給一家思欲剖天井之藏以備萬家之汲不

翅如渴 嘉泰二年六月六日鬱攸發於故張循王之第延燎巷中七百餘家太守丁公常任得此

井於瓦礫之場視臺諫公廨若引繩而近始見端倪即趣穿掘清泉迸溢凡數日乃得其極底深五

十餘尺廣十餘尺井既復舊汲泉眠之其清可鑑飲之甘美可以滌煩當三伏盛暑可畏此泉乃能

續久斷之脉行者居者觀此濬發冷然四達如醴泉之出于地不知其有暑氣抑見天府之大所謂

天井者亘古常存迄今復見人有得建炎銅錢于井中者度其湮沒必在 建炎之後雖得之於

天者其廢興亦必有時也然則昔人以此井而名此坊亦欲後人有所考耳願乃不得與六井並載

于志復意料黑龍潭之為此井豈不誤哉今丁公命創亭以覆其上太守李公澄繼之促令幕僚趙汝鐸畢其役使一方萬家日汲于其下隨取隨足愈用愈不窮真再見之異無垠之利也昔帝堯之民鑿井而飲猶曰不知帝力何有於我今皇上駐蹕于此仁恩德澤汪濊如漏泉民皆堯民也井不待鑿天者自還歌詠帝力抑當如何茲又聖朝盛事也敢不併書之是年八月十一日

郭公井

在萬松嶺下

郭婆井

在鐵冶嶺北

郭兒井

在青平山

咸淳臨安志卷二十七

三

上四眼井

在壽域坊仁王院前

下四眼井

在長慶坊竹竿巷

白鱔井

在金地山步軍司衛兵寨

鰻井

在清沙灣

上井

在鐵冶嶺下

上八眼井

在寶月山下

下八眼井

在祕書省相對

六眼井

在後市街

沈婆井

在萬松嶺下

甜瓜井

在六部前

舊雙門外大井

在四方館之北

南倉前大井

在舊南省倉前

沈公井

在太學後

門 紹定中因展拓學基今在學後門又市西坊內北亦有沈公井

祥符寺井

吳越王開凡九百九十眼後為軍器所墜塞今僅

存數井

義井

在薦橋北

俗呼四眼井水宜染紫與他井異染工多取焉

雙井

在道明橋東

長惠井

在豐樂橋西

棚心雙井

在定民坊

靈鰻井

在鳳凰山南塔寺

今額曰梵天寺

先是四明阿育王山有

靈鰻井傳云護塔神也後錢氏迎育王舍利歸國

咸淳臨安志卷三十七

五

井中鰻不見錢氏乃於寺廊南鑿石為井而鰻常

現僧錄贊寧有鰻井記刻塔石上今不存

烏龍井

在錢武肅王廟前

砂井

在六和塔寺之南上有鐵井欄

龜兒井

在西溪覆以石龜穴其背以汲

西溪方井

在西溪有亭扁曰方井米元章書

西四眼井

在淨慈寺北

鍊丹井

晏元獻公輿地志云天竺山下葛仙翁煉丹井今

在下竺藏院

烹茗井

見武林山

相公井

在鐵冶嶺步司衙 紹興間節度使趙密為步帥

日浚此井水極清甘軍人呼為相公井上有亭

咸淳臨安志卷二十七

六

惠利井

在清湖洪福橋楊和王府內通西湖水口其孫奉
議文晉撤庫屋為井以便眾汲因作亭覆之

六井

見西湖門

金沙井

詳見孤山

龍井

本名龍泓吳赤烏中葛洪煉丹于此道西湖南山
登風篁嶺澗泉泱泱與幽花野草延緣山磴更上

嶺背巖壑林樾皆老蒼而西湖已蔽掩不可見氣象愈清古巖骨稜瘦泉流渟涵一泓清澈即之淒然相傳有龍在焉觸石為雲禱者輒應因建龍祠曰惠濟廟并有記秦少游撰米元章書 咸淳五年

安撫潛說友重建門古篆龍井二大字為扁詳見

延恩衍慶院

記文

秦少游撰龍井記龍井舊名龍泓吳赤烏中方士葛洪嘗鍊丹于此事見圖記其地當西

湖之西浙江之北風篁嶺之上竇深山亂石之水泉也每歲早禱雨于他祠不獲則禱于此有禱輒應故老相傳以為有龍居之然泉者山之精氣所發也西湖深靚空濶納光景而涵煙霏菱芡荷花之所附麗龜魚鳥之所依憑漫衍而不迫紆餘以成文陰晴之中各有奇態而不可以言盡也故岸

咸淳臨安志卷三十七

七

湖之山多為所誘而不克以為泉浙江介於吳越之間一晝一夜濤頭自海而上者再疾擊而遠馳兕虎駭而風雨作過者摧當者壞乘高而望之使人毛髮盡立心掉而不禁故岸江之山多為所脅而不暇以為泉惟此地蟠幽而踞阻內無靡麗之誘以散越其精外無豪悍之脅以虧踈其氣故嶺之左右大率多泉龍井其尤者也夫蓄之深者發之遠其養也不苟則其施也無窮龍井之德蓋有至于道者則其為神物之託也亦奚疑哉元豐二年辯才法師元靜自天竺謝講事退休于此山之壽聖院院去龍井一里凡山中之人有事于錢唐與游客之將至壽聖者皆取道井旁法師乃即其處為亭又率其徒以浮屠法環而咒之庶幾有慰夫所謂龍者俄而大魚自泉中躍出觀者異焉然後知井之有龍不謬而其名由此益大聞余是歲自淮南如越省親過錢塘訪法師于山中法師策杖送余于風篁嶺上指龍井曰此泉之德至矣美如西湖不能淫之使遷壯如淞江不能威之使屈受天地之中資陰陽之和以養其源推其緒餘以澤於萬物雖古有道之士又何以加于此盍

為我記之余曰唯。少游留題。元豐二年秋後。一日余自吳興道杭東還。會稽龍井有辯才大師。以書邀余入山。比出郭日已夕。航湖至普寧。遇道人參寥。問龍井所遣籃輿。則曰以不時至去矣。是夕天宇開霽。林間月明。可數毫髮。遂棄舟。從參寥杖策並湖而行。出雷峯渡南屏。濯足于慧因澗。入靈石塢。得支逕。上風篁嶺。憇于龍井亭。酌泉投石而飲之。自普寧凡經佛寺十五。皆寂不聞人聲。道旁廬舍或燈火隱顯。草木深鬱。流水激激。悲鳴殆非人間之境。行二鼓矣。始至壽聖院。謁辯才于潮音堂。明日乃還。高郵秦觀題。鄭丞相清之跋。坡仙至錢塘。特與辯才師為世外交。師歸老龍井。坡為作二老亭。詩一時名勝多與之游。瑰詞藻翰。衣被泉石。至今枯槎斷壁。間奕奕飛動。獨少游記文。得元章書二妙。相輝宜耀。不朽而寺失其傳。好事者闕然不滿。紹定己丑。得真蹟于戶書。胡公規印。以他米書不謬。每念鏡之寺中。以苴放軼。一日語京尹趙公公。微社曰。前賢之勝韻不續。實遺吾邦。蓋寺于何有。亟訪堅珉刻之。且捐錢百萬。畀住山宗炳。建樓植鐘。新緇宇之弊。於是龍井之勝若前賢之媿如創見。然余每愛少游支筇步月。敲辯才門。夜半清語。殆非人間。世今留題中。寫澗谷。經行登危。憇寂之境。衝煙破暝。之態。溪潺林影。斷續隱見。雖善畫不能及。題識猶爾。况記乎。雖然。微尹公好古博雅。則斯記未必遇。雖未必遽。赫然在人目。余幸記之。遇題之速也。於是借石。忍書其顛末。

咸淳臨安志卷三十七

八

題詠

蘇文忠公次葉教授韻記龍井之遊。先生魯諸儒飲食清不溲。空腸出秀句。吟嚼五味足。

華堂閑絲管。眸子漲春綠。先生疾走避。面冷毒在腹。歸來煮瓠葉。弟子歌早麓。聲淫及靈臺。中有鹿。鹿伏功名一走兔。何用千人逐。故應容我輩。清坐時閉目。高亭石排衙。木杪挂飛屋。我來無時節。客亦不待速。似聞雪髯叟。西嶺訪遺躅。朝陽入潭洞。金碧涵冰玉。泉扉夜不扃。雲袂本無幅。慈皇付寶偈。神侶得幽讀。訥庵有老人。宴坐天魔哭。時來獻纓絡。法供燈相續。吾儕詩酒汗。欲往無乃觸。齋厨費晨炊。車騎滿山谷。願聞第一義。鉢飯非所欲。便投切雲冠。予幼好奇服。

葛公雙井

在治平寺西居人飲此水不染時疾傳言葛公煉丹于此有石函在井中嘗為好事者涸水取去水遂濁惡居人索回石函水甘潔如故

觀音井

在菜市門外湯鎮路上有亭

蓮華井

在小林蓮華院

記文

范令光記臨平山後數十里井鹵惡余客小涼蓮華院院有三井扣僧孰勝指露井不良余亟取烹茗清甘寒冽自是日走躡奴二嬰靳不輕費

咸淳臨安志卷三十七

九

品此泉為小林第一井有神焉亦喜自賀吾不復將百味矣雖然唐人詩云除却借書沽酒外更無閑事擾公私余嘗長斯邑頗以不擾見思別十年矣旅如歸今乃汲水擾人乎及之笑曰亦君甘棠如封殖爾何愛數語以記斯井之逢

馮氏井

在阜亭山馮氏家

詳見古蹟

臨安縣

天井

在縣西五十里

孫子井

在縣西五十里

餘杭縣

潛公井

在丁橋邑人顧向榮即四方往來之衝鑿井甦旅
唱而名以帥守之姓

記文

劉令晞顏撰京兆統縣九惟餘杭置自漢其俗尊愛良吏猶有兩都之遺風焉余承乏之

三年按行阡陌問百姓所疾苦者老因為余譚
開慶時事方烽火通甘泉尹臣始議城京師諱
發如雨馬方駭鼓而驚之吾父子且不相聊不圖
更生之至于今也十餘年間穀熟蜡通吏無妄賦
徭事不興詔書每下務在蠲征已責明良之
朝其况我甚厚然未若遺我賢師帥之為厚也吾
閱師帥多矣率病用不足今潛公覃化宣風壹是
以仁義為本恥言籠貨事府中不聞疾呼亟步田
里密如而百為克開取諸有而不竭吾農隙嘗試
遊都市榜于河胡黜然其澄逝于梁胡鱗然其新

咸淳臨安志卷三十七

十

登樓而酒賤掬池而泉甘嬉于湖堤之上草木潤
而魚鳥樂迹其佚民生救民死備民患者靡不緻
密而猶有餘力指以予民吾生于斯老于斯第聞
輸積吾聚未有代吾輸者夫困有餘粟機有餘帛
然後人裕于為善今而後吾子孫弟其知向方矣乎
居無何邑有頽向榮者聚族而謀曰丁橋左朝
行都右通蜀廣行者重足錯轂且傳遽日夜川流
而環運也每盛夏燠暵無所於醒盍鑿井以濟焉
族之為浮圖氏普觀又相與謀覆井以亭且築庵
其旁以容憇者既買地鳩材雇工傭不澹則相與
謁于府公曰嘻勞民勸井象也農之相旅也如
是盍勸諸迺斥緡錢三千飲其後既成者老又告
余曰潛公實父母我祠而祝之相茲可請名井曰
潛公井令其為我識之余應之曰公潤澤若河海
井云乎哉曰不然井養不窮而以寒冽為至善吾
恐後之人唐公之象而未識公之心也使於是焉
觀之以篤不忘吾感其言重歎夫大開慶以前
井泥莫涿而再造以來得茲寒冽之為不易其
曰遺我厚也宜哉公名說友字君高父括蒼人今
以戶部侍廊兼尹事問者圍婁空天子加賜璽

知不足齋鮑氏補鈔

宋本影鈔

大字

書固嘗亟稱其廉矣

於潛縣

煉丹井

於潛縣

一在雲封庵後許邁宮之中庭其水微湧環注前池通夏不涸

一在縣北四十五里天目山許邁鍊丹之地

一在縣西三里觀山亦許邁鍊丹之地

一在縣南三十里集真觀天師張道陵鍊丹之地

天井

闊五尺在山東之趾深不可測或云下通龍潭欲雨則先有雲氣瀰漫景物凝晦村老常以為驗

成淳臨安志卷二十七

十一

題詠

唐僧靈一詩昨夜雲生天井東春山一雨回風林花迸逐溪流下欲上龍池通不通

幾

佛圖澄井

在縣南五十里常樂寺廊之東晉建興初高僧佛圖澄所鑿耆老相傳云一日鑿成泉清味甘雖旱不涸

義井

縣前三井 城隍廟前四井 上市井

北郭井 寶城坊井 十字街上三井

南門外井 鳳山井 舊七仙庵前井

知不足齋鮑氏補鈔

宋本影鈔

東山塢井 陳村井

丞廳前井

灌湖上井 教干井

巖嶺井

新城縣

黃金灣井

去縣二十里介新城桐廬之間地僻無居人淳祐丙午令趙崇佺命寶林寺僧如炳就創接待庵鑿井以飲往來者扁曰趙公泉

龍井

在縣西十五里折桂鄉地名苦竹

杜公井

咸淳臨安志卷三十七

十二

太師杜稜所開賊圍城中乏水兵民穿土及石深百尺餘不得稜至誠禱之泉立至城以不陷人

目為杜公井

題詠

許廣淵詩幾處城中井標名孰與倫異非深百尺功在活千人
大旱流皆涸甘泉惠受均
無情知水石誠哉應如神
許仲蔚詩德地見圖
謀神機發杜稜寇圍炎甚火
壺飲冽于冰古邑桑
田換靈源鑑面澄如今
風月夕煮茗詫山僧

煉丹井

晏公輿地志葛仙翁煉丹之所

題詠

許廣淵詩葛公高隱處鑿井碧山前煉就長生葉空餘白乳泉
鼎藏今去水氣吐舊成煙
午夜風雷作人疑羽珮
獅許仲蔚詩青雲路在天鍊鼎亦徒然九轉果何物一泓空舊泉
競知丹

知不足齋鮑氏補鈔

可煮不悟骨非仙汲引殊無狀翻尤葛稚川

鹽官縣

靈泉井

在縣東七十里真如禪院菩提山上昔有道師操夜為鬼神講佛書一日井涸神告之曰當有泉發於山俄寺前之西有竇迸出故名

記文

今錫山陳逸記云邑之東六十里山曰菩提水曰靈泉廟佛其上曰真如余以職事出郊

嘗往焉山多喬松脩竹前寺如蔽後寺如衛泉在寺旁飲之與吾家山庶子泉頗相伯仲山之浮屠曰昔有道師操夜為鬼神講佛書一日井涸神告之曰當有泉發于山俄竇于寺前之西故謂之靈泉事見圖經此邑地半海鹵而有斯泉惜乎陸羽張又新輩未嘗一顧不列于茶經水品地僻迹遠

咸淳臨安志卷三十七

十三

且不爭名餅鼎之間有若士之有道而不自表襮者庶子泉在二浙之衝餅鑿之行不遠萬里好事者謂茶得泉如人得仙丹精神頓異故自御府至于韻人勝士不可一日無此安知靈泉亦能點化甌中廣寒也今泉雖有靈名而煮海之民但以為淡水當其雨潦浸淫蝸蟪游焉可為太息雖然物之窮通固有時數造物者每乘除而機括之豈獨斯泉未遭也哉寺本晉寶宅之墟周顯德二年建云政和五年十二月十六日

烏龍井

在縣東七十里福濟廟廣四尺深七尺冬夏不竭早歲賴以給相傳昔舉蘇將軍之烏馬跑于此得泉遂以烏龍名之禱雨應如響

葛仙翁煉丹井

在硤石紫微山

石井

在縣北一十二里 今廢

市邑十井

故老相傳本縣阮店村章仁蘊開今仁賢坊雙廟巷安國寺三井是也仁賢坊井以白石為欄色類玉有刻云當邑章仁蘊開此義井第十四口元豐壬戌歲記則仁蘊所開不止十井餘皆湮沒不存

咸淳臨安志卷之三十七

咸淳臨安志卷之三十八

山川十七

泉

城外

冷泉

醴泉

並見武林山

溫泉

在冷泉之上

玉泉

咸淳臨安志卷三十八

在錢塘門外九里松北淨空院南齊建元末靈悟

大師曇超開山說法龍君來聽為撫掌出泉今龍

祠前有小方池深不尋丈清澈可鑒異魚數百泳

游其中淳祐八年趙安撫與憲梵砌龍潭增築為

二池

修造撥田並見龍祠并淨空院

題詠

白樂天題云湛湛玉泉色悠悠浮雲身閑心對定水清淨兩無塵手把青筇杖頭帶白倫

巾興盡下山去知我是誰人○周紫芝題淨空泉二絕誰穿巨石貯清泉不見起公舊諱筵龍伴白

雲歸寶藏魚隨流水下春田欲尋遺事苦無碑老宿猶傳古律師尚恐蜿蜒在空谷水清不敢唾

方池○僧濟顛題云千章老木冷涵秋今日重來話舊游一池寒水浸虛碧清光瑩澈凝不流中有

神龍隱頭角為雨為霖滋旱涸聖主垂衣風雨調龍亦安眠在壑人來初不覩真龍但見金鱗

疑綸

知不足齋鮑氏補鈔

浮沉中昂頭擺尾得其所我疑便是池中龍殷勤
一語龍聽取汝以何緣墮其伍良由一念嗔所生
畢竟難逃鱗甲苦驀然直下
便回光願力資深福寰宇

真珠泉

在大慈崇教院今為張循王真珠園蓋因泉得名
周顯德中院東泉水迸出因甃為方池或聞扣擊
聲則泉涌如貫珠 嘉祐中太子少保元絳名之
曰真珠泉今官釀亦取以名

靈泉

在壽星寺前有亭又廣福院亦有靈泉

金沙泉

在仁和縣永和鄉坡詩云細泉幽咽走金沙

咸淳臨安志卷二十八

二

盃泉

詳見壽星寺

卧犀泉

按鄭戩靈隱天竺詩集序云若夫玉巖青壁犀泉
龍湧峯攢千疊松排萬蓋山之境也據此則青壁
檻卧犀泉皆在靈隱天竺之間

蕭公泉

在靈隱寺後

歲寒泉

在龍井山崇因院

法華泉

在南山滿覺院 又普濟院元額法華

參寥泉

元祐四年參寥子住上智果寺有泉東坡因以名
參寥應夢記云僕在黃州參寥自吳中來訪一日
夢參寥子賦詩覺而記兩句云寒食清明都過了
石泉槐火一時新後七年僕出守錢塘而參寥子
始卜居西湖智果院院有泉出石縫間甘冷宜茶
寒食之明日僕與客泛湖自孤來謁參寥汲泉鑿

咸淳臨安志卷三十八

三

火烹黃蘗茶忽悟所夢詩兆于七年之前眾客皆
歎知傳記所載非虛語也 元祐五年二月二十
七日眉山蘇軾書并題

穎川泉

在南高峯

觀音泉

在法通寺 又傳燈院 又真如院

噴月泉

在南山暗竹園廣福院

定光泉

在西山長耳相法相院西定光庵側山腰有泉盤

御諱飛流濺沫可愛水極清甘 淳祐丁未亢旱不

竭寺僧用笕引泉以供庖

白沙泉

在靈隱寺西普園院方丈之西有泉自白沙中出

題詠 揚蟠百詠詩云不見泉來穴平沙落細聲夜高寒月漾銀漢太分明

周公惠泉

一名北牖井

在湖州市下閘 乾道三年周安撫淙重修邦人

德之遂以名扁

甘泉

在城北董家巷南今屬陳氏

惠泉

在錢塘長壽鄉大老山泉自地湧出亢旱不涸有

寺以泉為名

冰谷泉

在臨平山寂光庵側

題詠 金部沈汝諧詩麓石繞深數尺餘一泓清冷若冰壺泉源定與安平接二水輕甘畧不殊

寒泉

舊名薦菊泉

在錢塘門外對嘉澤廟

題詠 芝田張焯薦菊泉詩近來湖上風光改古蹟三賢亦就遷獨有菊泉能定力一寒堅守故

前山

僧錄泉

在南山暗竹園福聖院

青衣泉

在太廟後三茅觀園內

六一泉

僕夫泉

並見孤山

大悲泉

在上天竺

咸淳臨安志卷二十八

五

茯苓泉

在靈隱西無垢院半山古松婆婆下有甘泉博物

志云松脂入地千年化為茯苓因以名

武安泉

在皇城司營水清甘有青石刻武安泉三字故老

云元為殿前司後軍寨故有此名

虎跑泉

舊傳性空禪師嘗居大慈山無水忽有神人告之

曰明日當有水矣是夜二虎跑地作穴泉涌出因

名

題詠 坡詩云亭亭石塔東峯上此老初來百神仰虎移泉眼趣行脚龍作浪花供撫掌

瑞石泉

在糧料院北瑞石山下今在御街太廟南有井

亭

持正泉

在六和塔開化寺

涌泉

在霍山張真君廟西清心院前山坡下 紹興間

高宗皇帝日遣人取水淪茗寺僧至今護以朱欄

泉從石罅中流出廟前折入黃山橋揚府園前小

咸淳臨安志卷三十八

六

河味極清甘亢旱不竭

天澤泉

在麴院小院寺前有亭覆之

安平泉

在仁和安仁西鄉安隱院 舊類安平院 有池名安平泉

今池邊有亭

題詠 東坡詩策杖徐徐步此山撥雲尋徑興飄然鑿開海眼知何代種出菱花不記年烹茗僧

誇甌泛雪煉丹人化骨成仙當年陸羽空收拾遺却安平一片泉

臨安縣

馬跑泉

在縣北三十里穆公山高峻崎嶇有石棊盤坐石之類父老傳為仙人臺及有馬跑泉口足之跡如印諸石樵採多見之

漾水漾

在雙林院山半瀑泉飛白甚長沿流集賢里東至于海

富陽縣

顧家泉

在春明里溉田四十餘畝

卓錫泉

咸淳臨安志卷三十八

在縣西二十里萬齡山大智院

詳具大智院

鹽官縣

雪峯泉

在縣東南五里壽聖院記載靈迹

昌化縣

天井泉

在縣西五十里地名葉源有馬塢小山巔有石竅名天井深不可測其中若列梯級通人上下有泉洎洎灌注石面凝結石脂圓者名寒水石如冰筋者名鶻管石晝執燭可入光采奪目或以絲繫石

試井聲夔夔如鼓盡絲一簾石墜未已井東有銅
山神入者褻慢即迷所出舊傳此井通朱浪村長
潭

龍孔泉

在縣南三十里有金山玉嶺旁連金紫巖嶺下有
龍孔泉流不竭巨魚出必雨

瀑布泉

在縣南東玉嶺後石壁闊數里高百丈飛泉自紫
巖嶺抵石壁沿空飛瀉四時不竭

東坡泉

在雙溪亭西數十步石竅中出坡公始尋溪源得
之以淪茗人皆鑿石為泓

池

城內外

涌金池

在豐豫門裏引西湖水為池吳越王元瓘書三大
字刻石識其旁云清泰三年丙申之歲建午之月

特開此池

題詠

揚蟠詩涌金春色晚吹落碧飛花一片何人
得流經十萬家。郭祥正詩衆沼皆涵碧斯

池獨涌金寶光終
夜見不是月華深

聖母池

在吳山中興觀側圍以石欄有聖母廟

白龜池

事具六井

金牛池

事具六井

仁和倉池

在倉之南故老相傳云仁和倉舊為縣基乃吳公

子慶忌故居元有此池

詳見古蹟

明清池

在大理寺議廳池畔有潘閻詩刻

白洋池

咸淳臨安志卷三十八

九

在梅家橋東周回三里 淳祐丁未夏旱湖水涸

人爭汲此水至有以舟載賣如湖水者一方賴之

鴻鴈池

在龍山之北

龍母池

在錢糧司嶺

金魚池

在開化寺後山澗水底有金銀魚

放生池

詳見西湖

瑤池

在錢塘門外寶勝寺側多芰荷周回二里遇旱不竭今屬呂氏園

飲馬池

在西溪飲馬山下 一在菜市門外廟子灣

碧沼水池

在湖州市左八郎廟巷池廣三畝水清甘人多汲飲有扁曰碧沼

磨劍池

在臨平山下有片石俗傳錢王磨劍于此

咸淳臨安志卷三十八

十

宮城外水池

一在宮城之東 淳祐八年趙安撫與憲奏請鑿池下三行皆低二格二十所各闊一丈四尺深四尺五寸通長二百二十丈甃以堅石繚以矮垣 咸淳四年安撫潛說友再行修治

一在和寧門外 咸淳六年十月有

下三行皆低二格旨申儆防虞命守臣潛說友即使相室待班閣子之後度地鑿池袤百一十尺自是近南居民去水絕遠者皆恃以為安云

防虞水池

一在邵局墻下 一在左院河下

一在泰和坊東 一在至德觀前

一在萬松嶺上 一在錢湖門裏

一在鐵冶嶺 一在七官宅前

一在十官宅前 一在龍翔宮前

一在仁王寺前 一在後市街謝府巷口

一在府治後門 一在三省後

一在六部後 一在護聖寨前

一在便門外蕭公橋西瓦子口

一在候潮門外接待寺前

咸陽縣志卷二十八

二

一在候潮門外大郎巷

一在候潮門外福田寺前

一在水府觀後 一在護聖教場前

於潛縣

放生池

舊在縣南廣福院東 紹熙中令邵文炳建浮溪

橋因徙溪上

三池

在天目之東北峯下有溪曰大徑口小徑口世傳為龍往來之地未至龍湫數步有潭形如仰箕曰

箕潭中有巨石潭水注入上池在山東垂崖下崖高五十仞上有平地數丈名拜斗壇石壁如門峭立對峙以限水之出巨潦泛溢則激而反趨於寧川故山前無水患崖間有石如獅下瞰潭水登者據石援藤而眎毛骨慘慄水流入中池又在垂崖三十仞之下噴瀉如雷飛濺巖壁下池接焉池周回三十餘丈紺碧深邃幽沕莫測三面皆駢石環繞南溪入大溪至紫溪七十二灘皆發源于此巖下有滴乳民採以療病歲旱潦朝廷率遣使函幣精禱投之于池泗今上御名沂流而上已而下沉如有

咸淳臨安志卷二十八

十三

物掣之或少慢復浮而出凡禱者皆然池上有亭曰格思下有石蒼潭泓澄可鑑又有乳水潭其上路傍有泉迸出山石間凜然如冰潭水順流西溪分堰水入至道宮曲折而至昭慶廟前為弄珠池

月池

在縣南門外百步舊以火德星照臨之地遂闢此池二賢堂在池上

富陽縣

放生池

舊在縣東丹霞觀左 紹興二十年令孫徹建尉

韓彥端記後令程秘移置通濟橋上

縣壕

東至觀山西至菟浦斗門二
宣和四年縣令胡
紡開今湮塞尚存縣後一帶

新城縣

放生池

在縣西七里折桂鄉寶勝院前唐天寶中置相傳
云池深丈餘周二里内有洞下通桐廬江

記文

邑人孫清記畧曰新城杭之屬邑距郡城一
百餘里環縣皆山羣峯秀峙勢若奔走往往
應接不暇而溪流貫其中方時雨浩浩湯湯驚湍
急甚而莫之能禦連其止也則朝滿而夕已除矣

咸淳臨安志卷二十八

十三

餘波清淺映帶井疆照耀巖谷明媚可愛自縣之
西行六七里有所謂魚池者父老相傳唐天寶中
置為放生之所質之圖經深丈餘周二里内有洞
穴下通桐江年代深遠莫可稽考縣人名其溪曰
葛溪以謂吳方士葛生仙翁曾煉丹于此魚池之
山實其結廬之地因創為寺又即其潭為池以放
生豈亦取其溪山之勝故耶其牌尚存乃唐人遺
跡古號魚池院國朝祥符初賜名寶勝嘗試凭
欄而下瞰淵淵乎其深測之凜然使人毛髮盡立
雖明可以燭鬚眉而了不知其紀極也意者放生
之久變化無常而神物所寓或在是耶歲有小旱
邑之吏民多禱于此而其應如響今其院宇日以
浸廣樓殿翬飛鐘鼓震動宛若畫圖又
為亭以枕其上比昔時為壯麗云云

題詠

許廣洲詩天寶當年寺魚池此日存溪移古
岸脚殿壓舊山根月照霜鐘遠風開霧閣昏

網綸雖廢禁和氣滿乾坤。令許仲蔚詩唐家舊
佛祠樓閣影參差魚散不知處水流無斷時山光
朝暮變人事古今移惟有好生德
恩波尚滿池

合靈池

在縣西六十五里南新鄉上有漁洲山池闊一丈五尺深七尺旱禱必應者舊言其源與天目龍池

通

三貝山龍池

壕山龍池

天柱山龍池

回源龍池

右並在南新鄉

碧沼

咸淳臨安志卷二十八

十四

在寧國院唐大中八年建舊名碧沼院咸通十年改碧流院有金魚可愛盛夏水不竭灌田甚廣

鹽官縣

放生池

在縣西北延恩院東南二百五步

靈龜池

在縣東北六十里或云舊有泥寺今廢顧況有詩

靈池

在長平鄉審山水旱不盈涸

昌化縣

放生池

在縣西治平寺

龍池

在縣六十里大鵠頭山濶三百畝四旁如葑田歲
旱人攀緣禱雨輒應凡邑禱祈處在龍井院者名
龍湫在龍興寺者名龍潭在峒坑山大鵠頭山者
名龍池

塘

城內外

沙河塘

咸淳臨安志卷二十八

一五

唐書地理志在錢塘縣舊治之南五里潮水衝擊
錢塘江岸奔逸入城勢莫能禦咸通三年刺史崔
彥曾開三沙河以決之曰外沙中沙裏沙 政和

元年郡守張閣標識其處近南有壩頭

壩合從土
霸從禮部

韻畧注障水
也俗作埧

褚家塘

在蒲橋軍寨之北褚家故居

謝家塘

在菜市門外去城三里

菜市塘

在菜市門外去城百步

五里塘

在艮山門外尉司衙側

蔡官人塘

在艮山門外

走馬塘

在艮山菜市門外地平坦可馳馬故名舊有花柳
號城東新路

月塘

在艮山門外 嘉熙間潮水衝決不存今復漲沙

咸洋臨安志卷三十一

十六

就築為塘地宜瓜有周姓者擅其利土人呼月塘
周家筭筒瓜

土塘

一在殿司右軍教場側

一在團圍頭石塘北

沈家塘

在北關吳越右僕射沈崧之故居又呼沈家灣

永和塘

在仁和縣永和鄉地接古鼎湖白龍潭俗謂之三
里險水勢漲溢一遇卯風震蕩則數百頃中瞬息

湮沒鄉民患之 紹定己丑邑士范武倡為義役

捐財以助修築塘成歲無水患邑宰范充命名曰

永和隄

記文

許參政應龍永和隄記運河有塘衣帶漑水自帝都東北橋鎮薄吳頭楚尾繇亘千餘里關隄封者六州帶主筑者十縣仁和首當其一郵遞輦運憧憧旁午惟永和隄阻鼎湖白龍潭之險卵風湍流黃夕鼓蕩一有綫溜則膏腴數百頃瞬息就浸繫欲經久不拔是豈一日一人之力哉邑有范任二君倡為義役乃悉心討究謂土力婁潰于成也于是率眾僦工築以石椿以松迄成二百五十丈為錢數千緡范君為費獨當什伍董視犒賚尤詳焉傍築道民庵給伏臘俾早晏巡徼事無遺慮整如也肇始于紹定己丑之春告成於是歲良月之望民間曾無勞動之告公家坐收興築之利談何易哉隄成請記顛末余嘉其賢勞且諗對曰自今之尹吾邑也無橫斂暴賦以蠹民繇是吏

咸淳臨安志卷三十八

十七

日貧而民日富既有餘財矣無深刑酷罰以戕民繇是役益簡而生益蕃既有餘力矣及今閒暇率就斯役用答令德故輸財而不知費盡瘁而不憚勞令不吾強也余亦欣然而思以諄摠摠而羣雖各有心其于望望未嘗不基於寬虐之政廉汙之操雖令不從與不賞而勸者抑豈無其故哉今范令尹光世濟其美連躋科級以儒道字民最再課矣始終不擾與民相安宜其一鄉之善如范君學諭武任君學錄安世毅然以身其責也吁使道使民雖勞不怨凡領民社之寄者何獨不然豈直仁和之長獨擅其美永和之士勇於為

誼耶故書

紹定庚寅陽月吉記

官河塘

在北新橋之北接連運河大塘長三十六里 淳

祐七年趙安撫與憲修築塘之西又有一塘曰西

塘袤十八里抵安溪通四川驛路年深頽圯亦加

築治塘下田以萬計舊苦淫潦自是其患遂息

餘杭縣

北湖塘

高一丈廣二丈五尺源出諸山據唐地里志縣令

歸玘所開溉田千餘頃以其在縣北故名北湖

查湖塘

高一丈廣二丈在縣北三十五里其源出諸山即

後漢南陽太守搖泰所封之湖溉田甚廣湖側亭

址尚存

閑林塘

咸陽縣志卷三十八

十八

在縣西亦號魚行塘

石門塘

尹家塘

西南轉西北號為徑頭

中隔塘

南湖塘

右並在招德鄉

樓東塘

號月灣塘

白塘頭

東塘

東塘壩

和尚塘壩

閒壩塘

下湖塘

化灣壩塘

西海塘

義林壩塘

郭家壩塘

寺中壩塘

陸家壩塘

里新壩塘

右並在安樂鄉

龜邊塘

俗呼龜鼈塘水界記曰龜塘

五里塘

上湖壩塘

芋山壩塘

沌湖壩塘

右並在同化鄉

鹿景塘

亭子壩塘

仇山大壩

右並在孝行鄉

陶村塘壩

姚湖塘壩

係湖壩塘

插壩塘

陳家壩塘

石瀨塘

黃湖塘

祥壩塘塔

右並在常熟鄉

戊序臨安志卷三十八

十九

莊前壩塘

前蒼畝壩塘

吳山壩塘

感塘

曹村壩塘

夾堰塘

右並在長安鄉

臨安縣

湖塘

在縣西北一百五十步

吳諸塘

在縣東南四里

小塘

在縣北二里

項家塘

在縣南三里淨土寺之側

於潛縣

容塘

徐博家前塘

皂角塘

祐塘

温塘

徐太家前塘

浪後塘

墓後塘

余三家塘

徐五十一家前塘

右在豐國鄉十七都已上十塘承接白塔源等處

水流接蔭田一百八十五畝

元豐塘

咸淳臨安志卷三十八

二

在長安鄉二十二都承接仙嶺并青塘水流接蔭

田一百畝三角令邵中書文炳重浚

樂平官塘

在長安鄉元豐塘西令邵中書文炳築治

清漣上塘

去元豐塘五六里令邵中書文炳興復

序文

令邵中書文炳溪塘水利序古 替 繇隋開皇

者六十有三源集而成溪一曰天目之源幽深峻

極潭為龍淵三池洒流自北東橫亘而少西路白

塔為東溪其北曰眉山之源眉山而西曰千秋之
源皆自宣城穿嶺而下過朱村併而為西溪三水
奔湍匯於甲子峯崑山之麓合流南注而為紫溪
此其大源也餘皆止於潛之境其來自近御轉

合附環邑左右勢傾而南下無以宿水溪行羣山
 間廣不能三十丈或束而狹則纔數尋爾淺灘鳴
 瀨利五日不雨田未病而溪固涸矣昔人視其勢而
 約為之以埭導其流以溉田蓋莫推其所自後之私
 其利者稍增益之凡為大堰百四十有三所其細
 流為堰者又二百二十有三所山狹窮處溪流不
 速亦疏鑿以為塘然而潛之地山居其六七窮谷
 之民尺寸所必爭無曠土平澤以廣其灌注凡為
 塘一十二所而已田事將興勸耕于郊視溪塘之
 遺跡而申農里之教令故大堰各立長董率其利
 之人察其決壞而增築之相畎畝之枯潤時其疏
 淪而均之注之先後有次第高下有承接背約則有罰
 甚則有刑小堰各徒民便使自為之或一家得專
 或眾有私約而不立之長增視其大小如其堰之
 政揔之溉六鄉十二管之田凡四萬九千七百七
 十畝有奇非溪塘之所及止於此之傾側山之重
 岨而不得盡其利也夫政之本在養民令之職先
 勸課平素于民相莫忘而一切之政又徒而朘削
 之歲儉饑困砉然卹賑具文苟免而流殍已眾矣
 潛今視古畿縣富庶而興禮義當為他郡邑倡興

咸陽臨安志卷三十八

三

廢補弊撫摩惠養庶幾萬分有一於其間而文炳
 淺短綿薄心知弗能夜思蚤作不敢不力求之邑
 而致中興之斷簡求之野而得開寶之遺書
 熟究之而事明參覈之而圖具然後隨緩急之宜
 以次修復民用樂從咸即其舊聯比而籍載之為
 一論次以存其概異時計議者或有取于斯焉○
 重開元豐塘序長安之鄉小領之民下有塘曰元
 豐謀始於治平之元久弗克就元豐三年歲在
 庚申令有崔其姓者乃力興之塘成而獲其利歲
 月浸遠稍稍就廢愚民苟目前而不遑卹於是盜
 塘而田經界既正不可復奪而塘之所存隱然成
 陸矣咨訪耆老求其故而疏闢之取田戶百二十
 家之夫以用其力給其食用凡三十有四日而罷
 其廣百有四丈其深丈有五尺水由地中翕然泌
 涌如井之有源混混乎弗竭也于是別為三渠其
 東之深與塘底直覆以大石鑿方竇廣八寸許塘
 水自石竇名御轉而下入于渠其西高可五尺餘為
 第二渠如前之制又高五尺累石高為門于二渠之
 中斷石為板橫亘其下又積石于水門之外醜三
 流以注之田植板幹以謹其閉縱水旱則啓其中

之水門而從之中旱則御舊其西大旱則御舊其東已
泄而復閉逾三日則塘水復盈宛轉無窮視他塘
為最其水自地發非山源之所注老農目之以御
水賦從其實也旁行曲取于三流之分又不止今
所灌之田而已也夫天造地設待人而成方其謀
之十有五年之久而後克逮今百十有一年之間
湮廢者再事之難成而易毀類如此爾不及今求
以復之則他日又將不可考矣然猶以並塘之民
私以為業勢不可奪而塘不能悉如其舊慮其未
幾而復壞也乃申以董齊之約擇其里之善事而
可長者凡八人歲一更之周而復始疏鑿之以時
閉縱之以後先繕補之有備固毀之有防條畫具
在使其守而弗失則塘之利庶乎其無窮也○重
築樂平官塘序去元豐而西里許地曰樂平畝受
延湖之源而屬于大溪最為斗峻舊有官埭溉並
溪之田僅千畝與所謂元豐塘者蓋相為表裏也
山溜旁衝注埭澳奔洪暴漲壅沙以遏其上流溪
源亦激射而埭乃隨壞民力不能致經久之利拱
視而莫之救溪涸立待安于旱乾以幸蠲租而已
求之十年之近蓋未聞以下熟告也民何樂而為

咸淳臨安志卷三十八

二十二

此哉以武斷者或利其私貧弱之害固不皇郵指
其埭而名之以官無肯出力以倡義雖然亦可卜
知居是鄉者情之不淑而俗之趣薄也往歲官一
用其力志于苟全而謀或未盡既數月隨即廢壞
禾稼就稿特甚他所今耆老咨嗟求以新之於是
相與講成敗之故得利害之實乃伐石作址累石
為高橫絕溪厚丈有六尺長十有二丈高與下
渠之兩旁又醞為輔渠六分注均及絲近而遠渠

兩行

鑿

之所屬無不霑溉百頃取具于官而民不為病貧
弱喜于一遇而後不以為難今雖幸成視昔為固
然決防之患始于蟻穴責之長以謹視歲補而加
勤豈惟樂平之田恃此以無憂上下用勸百四十
七堰之規相為不朽則異時為政者之所當念也
已○清漣上塘序渡上豪溪而南為范家塢層山
之麓細流所瀦曰清漣塘取其淵渟而凝碧也轉
而名清漣又止名為蓮傳久而失之也塘之深丈
餘東狹而西長南相去畧等周廣九十有一丈累
石而四圍之堅高可以衛水山徑奔流亦不得而
衝蓄也塘之下渠而深之者東流為澳又北東而
接于樂延樂延之地聚落延袤別為東西村其東

知不足齋鮑氏補鈔

而南東口白導缺漫則其

專連塘之利其西又有上塘亦名之以湖連周廣視清連塘而有加焉水自地中泉自發越與元豐塘亦畧相似為二渠其一自塘之東逕北而下其一自塘之西循村巷宛轉而北又名御而復西水之所及視東渠為頗遠二塘與元豐塘相望隔遠五六里許皆日就壅不足為早乾之備而民亦無有告其上者人情可與樂成而怠于興作固應爾也夫不見其害莫知其利長安之人困於荐飢號啼流徙復除賑郵公與私兩不振宜如溪塘之利也然視之邈然棄而勿講今雖盡力以次興復而雨暘時叙歲適登稔竊懼夫民猶以為徒設而後日之不加修也則終廢而無以獲其利故復申其說以備告之邵文炳令

富陽縣

烏狗塘

在張明府君廟前

咸淳臨安志卷二十八

二十三

長七百二十丈溉田一千二百頃

清慈塘

在張明府君廟側

約濶一丈五尺長四十餘丈溉田七百餘畝

木瓜塘溉田五百餘畝

陽陂塘

溉田一萬餘頃濶九頃

右並在臨湖里

朱林

御名

在春明里約一角五十六步孫彥等修溉田三十

餘畝

新城縣

官塘

唐地理志云在縣北五里祥禽鄉濶一頃三十畝
溉田八頃八十畝一百八十戶又有九澳東山澳
西山澳中澳朱家澳亭子澳丁路澳袁都宅澳真
堰澳板澳唐永淳元年開 咸平二年 景德三
年重修

鹽官縣

捍海塘

咸淳臨安志卷三十八

二十四

在縣南三里闊二丈高一丈唐地理志云長一百
二十四里開元九年重築

淡塘

在縣西 嘉定間邑南海沙埭增築隄防以障潮
水自市境西至秧田廟約六七里其河尚存由秧
田廟而南轉西泥沙湮塞舟楫不通惟舊橋故道
畧可識

洛塘

在縣北長四十里

袁花塘

在縣東長六十里

鹹塘

在縣西南一里與淡塘通有青海亭春秋教閱之所令楊天麟建

二十五里塘

在縣北至長安歲久不築久雨則河流決溢多為

民害

廣

紹熙九年令陳恕募民浚河築岸廣三丈

視舊高一丈

高三尺甃以石其患遂息人號甘棠隄

艦澳

在縣西十九里東西一百五十步

咸淳臨安志卷之二十八

二十五

昌化縣

大塘

陂塘

並在吳安鄉

咸淳臨安志卷之三十八

三十六卷至四卷十日校是日立夏偶得絕句漫識於此 小雨初收櫻笋天愜

人時節二蠶眠送春迎夏渾南子校得遺書是宋編 娘

